

ODSJEK ZA GEOGRAFIJU

Univerzitet u Sarajevu - Prirodno-matematički fakultet
III ciklus/doktorski studij

Naziv programa: TURIZAM I ZAŠTITA ŽIVOTNE SREDINE

Univerzitetski stepen: III ciklus univerzitetskog obrazovanja – doktorski studij

Nosilac studijskog programa: Odsjek za geografiju Univerziteta u Sarajevu – Prirodno matematičkog fakulteta

Naziv diplome/titula: Doktor geografskih nauka/znanosti u oblasti turizma i zaštite životne sredine

Trajanje studija: 3 akademske godine; 6 semestara

Kreditne vrijednosti studijskog programa: 180 ECTS

Ishodi učenja

Studijski program trećeg ciklusa – doktorski studij geografskih nauka, usmjerenje: Turizam i zaštita životne sredine, programski je profiliran kao naučno-istraživački studij najvišeg nivoa univerzitetskog obrazovanja. Nastavno-naučni proces i studijski program su prilagođeni multidisciplinarnim naučnim istraživanjima koja za cilj imaju unapređenje postojećih naučnih spoznaja i njihovu teoretsku i praktičnu aplikaciju u različitim oblastima turizma i zaštite životne sredine.

Obrazovni proces i edukacija studenata na III ciklusu studija usmjereni su na sticanju i unapređenju teoretskih i praktičnih naučnih spoznaja kroz:

- baznu edukaciju studenata tokom I godine studija, koja se realizira u skladu sa obaveznim i izbornim obrazovnim modulima koji se slušaju tokom prve godine studija;
- realizaciju naučno-istraživačkih projekata koji su tematski koncipirani u skladu sa odabranim usmjerenjem studenata u različitim oblastima turizma i zaštite životne sredine tokom druge i treće godine studija.

Realizacija navedenih obrazovnih sadržaja je zasnovana na samostalnom radu kandidata a u saradnji sa:

- nastavnicima koji realiziraju nastavni proces na nivou obaveznih nastavno-naučnih predmeta;
- supervizorom/mentorom tokom realizacije naučnih istraživanja na nivou izabranog disertacionog usmjerenja kandidata.

Ciljevi učenja

Osnovni obrazovni ciljevi i naučne kompetencije koje se stiču na III ciklusu studija – doktorski studij na Odsjeku za geografiju Univerziteta u Sarajevu - Prirodno-matematičkog fakulteta usmjerenje: Turizam i zaštita životne sredine, su:

- sistemsko shvatanje suštine geografskog prostora i njegove valorizacije u strateško razvojne svrhe;
- izgradnju umreženog, kompleksnog mišljenja o životnoj sredini kao mediju razvoja turističkog i općeg geografskog značaja;
- shvatanje suštine dualizma geografske sredine i zdrave životne okoline;
- sintetiziranje, eksplikacija i implementacija stečenih fundamentalnih i aplikativnih turističkogeografskih naučnih spoznaja u različitim oblastima privrednog razvoja sa posebnim akcentom na tercijarni privredni sektor;
- sposobnost za samostalno i originalno istraživanje u oblasti fundamentalnih turističkogeografskih istraživanja;
- aktivno učešće na međunarodnim skupovima od interesa za razvoj fundamentalne i aplikativne turističke geografije;
- samostalan naučno-istraživački rad u oblastima izrade, prezentacije, revizije i recenzije strateških dokumenata koji se tiču turističkogeografske regionalizacije Bosne i Hercegovine uvažavajući Evropsku povelju o regijama i regionalizacijama Evropske unije;
- samostalno rukovođenje timovima za izradu baznih naučno-istraživačkih elaborata koji se odnose na uspostavu i organizaciju novih turističkih destinacija
- samostalan naučno-istraživački rad i rukovođenje timovima u različitim fazama pripreme, izrade i revizije planova razvoja turističkih destinacija i planiranje adekvatnih mjera za budući samoodrživi razvoj;
- samostalan naučno-istraživački rad u oblastima identifikacije i valorizacije prirodnogeografskih i društvenogeografskih potencijala u svim fazama turističkog planiranja;
- samostalne savjetodavne i nadzorne aktivnosti u cilju provođenja planova i strategija razvoja turizma u okviru nadležnih ministarstava i javnih i privatnih institucija;
- samostalan naučno-istraživački rad u procesima izrade i/ili evaluacije prostorno-planerske dokumentacije koja se odnosi na oblast turističkog planiranja;
- samostalan naučno-istraživački, savjetodavni i nadzorni rad u oblasti održivog korištenja prirodnih i društvenih resursa u okviru nadležnih ministarstava i javnih i privatnih institucija;
- samostalan naučno-istraživački, savjetodavni i nadzorni rad u oblasti zaštite od svih oblika prirodnih nepogoda i katastrofa, i druge poslove iz navedenih oblasti.

Profesionalni status

Nakon završenog trećeg ciklusa studija, doktoranti geografije iz oblasti turizma i zaštite životne sredine su potpuno osposobljeni za samostalna naučna istraživanja teoretsko-aplikativnog karaktera i samostalan praktični rad u oblastima turizma i zaštite životne sredine.